

欽定大清會典圖

欽定大清會典圖卷二百五


輿地六十七


陝西省全圖

西安府圖

陝西省全圖


中






陝西省全圖
二

北






陝西省在


京師西南西安府為省治陝西巡撫布政司共治
馬統府七州五西安府東南商州興安府西南
漢中府東北同州府鄜州延安府綏德州榆林
府西北乾州鳳翔府邠州黃河自鄂爾多斯左
翼前旗緣界西南流經榆林府東屈野河自鄂
爾多斯部來東南流注之其東為山西保德州
太原府汾州府境又西南經綏德州東無定河
亦自鄂爾多斯部來注之又西南經延安府東
延水出府北東南流注之其東為山西隰州及

平陽府境又曲西南經同州府東折東流受渭河又東入山西蒲州府境渭河自甘肅秦州東南流入境經鳳翔府南合汧水雍水東流經西安府南灞滻二水合北流注之涇水自甘肅涇州來東南流注之又東北漆沮二水合南流注之又經同州府東南洛水出延安府西北合周水沮河東南流注之又東流注黃河漢水上流為沔水出漢中府嶓冢山合褒水洵水東流入湖北鄖陽府境嘉陵江上流為西漢水自甘肅階州入境經漢中府西合鳳翔府之故道河南

流入四川保甯府境。巴水菩提河並出漢中府
亦入保甯府境。雒河出商州北入河南陝州境。
丹河出商州北入河南南陽府境。東至山西界。
西至甘肅界。北至伊克盟界。南至四川界。東南
至河南湖北界。

西
安
府
圖





西安府為陝西省治在

京師西南二千五百三十五里領廳二州一縣十五治咸甯長安西興平北三原耀州東南藍田孝義廳西南鄠縣盩厔甯陝廳東北臨潼高陵渭南富平同官西北咸陽涇陽醴泉渭河自乾州武功縣東流入界經興平縣西南胡漢橋東流至郭公鎮清水河自盩厔縣西南北流折東北合竹谷水陽化河水注之又東經義公鎮南黑水自盩厔縣東南北流合沙河及縣南諸谷水注之又東夾水遠水自盩厔縣東合東北流

注之新開河自盤厔縣東南東北流注之又東經咸陽縣西南受澇河水水自郿縣南營盤溝曲西北流經教場西折東北流合郿縣治南諸泉水又經澇店西折東北流經咸陽縣西南蒼龍河合郿縣東南諸泉水東北流注之又東北注渭水渭水又東北經咸陽縣南受澧水水出甯陝廳東北秦嶺合祥谷水西北流經長安縣西南太平谷水自郿縣東北流經秦渡鎮分流來注之又西北潏水亦出秦嶺北西北流合土門白道諸谷水又歧為二一北流為阜水注於

渭一西南流合滻水及小庫梗梓諸谷水來注之。又西北分流並注渭河。渭河又東經咸甯縣馬神廟渡受阜水。又受瀟澨合流水。瀟水出藍田縣西南。西北流經焦戴鎮為焦戴河。又西北流合陽谷諸水。又經咸甯縣東南。左納庫谷水。右納鳬谷水。曲折北流經咸甯縣東北會瀟水。瀟水出藍田縣東倒谷中。西南流復折西北經屏峯鎮東。銅峪水合沈家河。王山河西南流注之。左納一小水。又西南經縣東南藍水自商州西北流經藍橋鎮來注之。又經縣治南朝水二

源合西北流注之又西北右納猗水注水並一小水又經咸甯縣西右納沙河水及二小水又西北過灞橋又西北與滻水會而北流注於渭河渭河又東經高陵縣南受涇水水自乾州永壽縣入界東南流經醴泉縣東北涇陽縣西北又東南經北屯鎮泔水上流為石底河自乾州來東流左納栗谷安谷合流之水又東右納乾州之泥水左納巴谷水東流注之又東南經臨涇鎮又經涇陽縣南修石渡又經高陵縣南注於渭河渭河又東經臨潼縣西北北田渡右納

驪山北麓諸小水又東北經交口鎮折東受石
州河河上流為漆水出同官縣東北大神山西
南流經縣東銅氷雷平川及西來一水合流注
之又南左納一小水右納富平川水又經耀州
東南沮水一名宜君水出州北分水嶺至山岔
合宜君縣之姚渠川水為沮水又東南右納摩
天嶺諸小水及桃兒堡水左納梨園及胡思泉
諸小水來會為石州河東南流經富平縣西淵
谷水出耀州西北山東南流注之又東南至臨
潼縣北左納溫泉河又南流折西清峪水自耀

州西北東南流至三原縣北魯橋分支津合濁
谷水東至大程鎮散入縣境其正渠南流合澇
化縣之治谷水東南流米會又西南至交口注
渭河渭河又東鳳凰山水會馬谷諸水北流注
之又曲折東流經渭南縣西北右納杜化谷水
又東南經縣治北受酒水水出治南大谷左合
石鼓山水右合曹谷水曲折北流經治西注於
渭河渭河又東右納一小水又東右納赤水屈
東北流入同州府華州界紋河出甯陝廳西北
合東峪水金雞河南流折西入漢中府佛坪廳

界蒲河自佛坪廳來經廳西北合土地溝水
西南流入漢中府洋縣界長安河出廳西北西
南流左右各納一小水經治南左納魚洞洞東
河折西左納斜谷水右納湯平河又西南經青
草關西南入興安府石泉縣界參湯河亦出廳
東境南流入興安府漢陰廳界洵河出廳東北
紗羅帳地西南流合兩岔河經江口右納江河
冷水溝左納大竹水馬耳溝東南流經孝義廳
西南東川河高川河合南流注之又曲折東南
流沙溝河合東西洞水西南流注之月河出甯

陝廳北北流折東南合大西溝黑溝甘岔河東南流來會。又東南右納興隆溝入商州鎮安縣界。大峪河一名乾祐河出孝義廳西北大谷嶺南流右納紅廟老林合流之水屈東南經廳治西南左納黑虎廟河租子川合流之水東南流與杜川河並入商州鎮安縣界。北河南河亦並出廳東北合鄧家溝石窯溝東南流為金井河又經藍田縣南左合二小水東南流與菜谷河兩岔河亦俱入鎮安縣界烏泥川出同官縣東北雲夢山南流折東入同州府蒲城縣界龍洞

渠在涇陽縣西北引龍洞泉水東南流經縣北
歧為三曰北白渠曰中白渠曰下白渠中白渠
復歧為二並東流散入涇陽高陵三原三縣境
終南山在府治南府東及東北界同州府西界
乾州南及東南界商州北界鄜州西南界漢中
府興安府西北界邠州

欽定大清會典圖卷二百六

輿地六十八

同州府圖

鳳翔府圖


漢中府圖


同

州

府

圖





同州府在省治東北二百四十里至

京師二千三百四十五里領州一廳一縣八治大

荔北澄城東朝邑東南華陰潼關廳西南華州

西北蒲城白水東北郃陽韓城黃河自延安府

宜川縣緣界南流經韓城縣東北其東為山西

平陽府鄉甯縣界又南經三郎山東折東南治

戶川合北來一水東流注之又經龍門山西西

南流右納鸞水又西南盤水合溢溝水文水東

南流注之其東為山西河津縣界又經縣東南

其東為山西榮河縣界右受濬芝二水濬水出

韓城縣西北麻綫嶺合樓子水九郎山水東南流右納陵河左納谷水南池山水經縣南折南合軌水潦水又東南芝水合遂水汎水來會又東南注黃河黃河又西南經郃陽縣東右納百良水徐水其東為山西臨晉永濟二縣界又西南經朝邑縣東大慶關西金水三源並出郃陽縣西北南流注之又經縣治東南折東流至三河口受渭河渭河自西安府渭南縣東北流入界經華州西北右納州南諸谷水曲折東北流經華陰縣北右納縣南諸谷水左受洛河河自

鄜州宜君縣東南流入界。經白水縣西北右納
鐵牛河。左納黃家河。經縣北左納孔走河。玉泉
水。又東南白水一名鐵王河。自同官縣來東流。
注之。又東左納長甯河。麻子河。縣西河。又南經
蒲城縣東大谷河。即玉川河。自澄城縣東北曲
折西南流注之。又東南注於渭河。渭河又東長
澗河合諸谷水北流注之。又東北注於黃河。黃
河又東經潼關廳北右納嵩岱谷。潼谷合流水。
又東入河南陝州關鄉縣界。太華山在華陰縣
南。龍門山在韓城縣東北。府東界山西蒲州府。


西及西南界西安府。南界商州。北及西北界鄜州。東北界山西平陽府絳州。東南界河南陝州。


鳳

翔

府

圖





鳳翔府在省治西北三百六十里至

京師二千七百五里領州一縣七治鳳翔東南岐山扶風郿縣西南寶雞東北麟遊西北汧陽隴州渭河自甘肅秦州緣界東南流經隴州西南又東入界經寶雞縣西北右納仙靈河楊家河焦遼水朝峪河水又東陸川河自隴州牛頭山東南流注之又東右納大甯河左納峽石河又東經縣南右納姜水及瓦峪河又東金陵水出隴州東南合長蛇水東南流注之又東右納沙河清水河馬峪河水又東受汧水水出隴州西

北汧山南麓合龍門水閻山水蒲峪水東南流
經州治南。又東北河亦出州西北合楊青谷水
溫水水峪水東南流注之。又東南八渡水合汭
水東北流注之。又東南經汧陽縣西北右納一
小水左納草碧谷水又東南左右各納數小水
又東南經新興鋪西南左納黑水潭水又東南
復納數小水又東南暉川河上承三川河席家
河趙家河水西南流注之。又東南經縣治南左
納西江河天地溝水澗口河界止河東南流經
鳳翔縣西寶雞縣東注渭河。渭河又東經虢縣

鎮磻溪合成道宮水北流注之。又東右納代魚
河八廟河甕谷河峒峪河。又東經岐山縣南蔡
家鎮。又東麥谷河自縣南石樓山北經五丈原。
合石頭河東北流注之。又東經郿縣西受桃川
水。水出岐山縣西南懿山東北流經白雲峽。右
納一小水。又東北右納三才峽水。又東北經郿
縣西南鶴哥觜折北流經汶家山岐為二。西為
石頭河注參谷河。又東北分流並注渭河。渭河
又東經郿縣治北。又東右納干溝河赤谷水。又
東右納黑谷水。又東湯谷水合野谷水北流注

之。又東右納沙河。又東入乾州武功縣界。雍水出鳳翔縣西北雍山下。南流經縣治東南。澄水即塔寺河。合紙坊河東南流注之。又東南經岐山縣西為漳水。又東南經交河口。橫水合一小水東南流注之。又東左納魯班溝水。麻葉溝水又東經扶風縣西南午井鎮。屈東北流至縣治東南。左納畤溝河。一曰蓮花河。俗名漆水。又東流左納羑水。又曲折東流亦入武功縣界。杜水出麟遊縣西北杜山下。合漫泉水南流。經縣西南良舍鎮折東北流。左納鐵龍溝。右納清水。又

東北經治南澄水合磨灣溝水南流注之折東
南流為廣川河右納史家河左納尉遲澗水又
東右納吳雙山水又東左納花石溝水又東入
乾州武功縣界漆水出麟遊縣西青山之南
合老丹溝水經天堂鎮西東北流麻夫川出縣
西經花花鎮東北流雨亭水出縣西北經天堂
鎮東東北流西流河出汧陽縣東北合莊家河
北流並入甘肅涇州靈臺縣界凍河出寶雞縣
西南大散關西合數小水西南流號川河出縣
南觜頭鎮經天臺山南西南流上谷河出縣東


南經滴水巖西流並入漢中府鳳縣界太白河
即磨房溝出縣東南經縣南境西南流入漢中
府留壩廳界吳山在隴州西南太白山在郿縣
南岐山在岐山縣西北府東及東北界乾州西
界甘肅秦州北界涇州南及西南界漢中府東
南界西安府東北界邠州西北界甘肅平涼府


漢

中

府

圖





漢中府在省治西南一千六十五里至

京師三千六百里領廳三州一縣八治南鄭北留
壩廳東南西鄉定遠廳西南甯羌州東北城固
洋縣佛坪廳西北褒城汚縣略陽鳳縣漢水初
名漾水出甯羌州北嶓冢山東南流合五丁峽
水折而北黃銅鋪水東南流注之又東北經汚
縣西南受白巖河河上游為玉帶河出州西南
箭竹嶺東北流經州治北左合滴水鋪水屈東
北流經州東北鐵鎖關折北流為平溪河左合
白巖水為白巖河又北經汚縣西注於漾水漾

水又東經沮水鋪受沮水水出留壩廳西西流
經鳳縣南右合劍鋒堰水折西南流經沔縣北
茅壩集曰茅壩河又西南折而西流為張家河
又西經略陽縣東北為冷谷河又西左納常家
河復西南流經略陽縣東折東南蕭家河兩源
合東南流注之又東南經沔縣西北黑河壩為
黑河左納一水又東南經上沮水鋪始名沮水
又東南經下沮水渡注於漾水是為沔水又東
流左納白馬河經縣南又東經舊州鎮舊州河
曲折南流注之又東右納養家河左納黃沙河

又東經襄城縣西南左納華陽河又東經長林
鎮受襄水水上游為太白河自鳳翔府寶雞縣
西南流入界經留壩廳東北西江口右納范家
溝水又西南紅巖河上承寶雞縣上谷河西南
流注之為紫金河又西南虢川河亦自寶雞縣
來合馬尾溝車到河及蒿壩上下河大南溪小
河合流之水南流注之又折南流經廳東南文
川河合南河水西南流注之又南青羊河合一
水東南流注之又南經武關驛右納武關河又
南經襄城縣北為襄水左納一水又經襄城鋪

東至縣治東南分為三支東二支並東南流經
府治南注漢水西一支屈西南流經襄城縣西
南注沔水沔水又東經南鄭縣西始名漢水漢
水又東經縣東南左受褒水中支右納石梯堰
水又東受濂水水出縣南巴嶺山之鄧家埢西
北流左合一水折而東北經新城縣西南右合
一水復西北流經濂水鎮折東北流注漢水漢
水又經府治南左受褒水東支冷水河出府治
南合法慈院水北流分三支來注之又東經城
固縣西左納文川河右納南沙河小沙河經縣

治南又東經洋縣西受湑水水出佛坪廳西楊
家溝口合正河水北流折西經渡船口馬黃溝
水自鳳翔府寶雞縣來南流注之折南經洋縣
西北又西南經城固縣北右納牛尾河高溪河
水磧河屈東南左納小北河又東南注漢水漢
水又東經洋縣西南沙河口右納小沙河左納
溢水又東經縣治西瀆水一名鐵冶河南流注
之又東左納大龍河右納東谷河大沙河合流
水又東經沙河鋪右納桃溪水又東北酉水出
佛坪廳西南興隆嶺合金家灣月兒灣諸水東

南流注之又東北金水河自佛坪廳南流注之
又東折南左納一水又南經西鄉縣東北受子
午河河上流曰椒溪出佛坪廳東東南流蒲河
亦自廳東南出界復西流來注之又合西安府
甯陝廳之紋河南流錯入其廳及興安府石泉
縣界合長安河諸水復經縣東北為子午河西
南流注漢水漢水又東南經三花石受牧馬河
河出城固縣西南涼水井曲折東流經西鄉縣
西南右合舊私河折東北右合左西河又北龍
門河合私渡水邱家河東南流注之折東北流

右納豐渠河。左納三里河。又經縣治南。東西龍洞水合。北流注之。又東北左納清涼川水。又東北洋水自西鄉縣南西南流。經定遠廳治南。合小洋河七里溝水。折東北合碼礮溝白天河東龍溪來會。又東北左納神溪河。又東北注漢水。漢水又東南左納帶小河。右納白沔峽余家河水。曲折東流入興安府石泉縣界。廣平河出甯羌州西。東南流經廣平河汎。南入四川保甯府昭化縣界。縣河即故道川。自鳳翔府寶雞縣西南流入界。合三岔河。安河經鳳縣東北折西經

縣治北又西小峪河合大水溝水西南流注之
又西南左納二水又西流錯入甘肅秦州兩當
縣界野羊河出留壩廳西北紫柏山麓西北流
經鳳縣南右納東溝九天溝水左納馬黃溝麻
峪河水出界會之復經略陽縣東北白水江集
為白水江泥陽河自秦州徽縣來注之右納青
泥河又西南西漢水一曰犀牛江自甘肅階州
成縣合石門江來會又經縣西右納橫現河又
東南八渡河合九股樹河金池院河小渡河玉
帶河來會又南左納南夾門子水右納青白石

河樂素河經甯羌州西。左納黑板櫛河。右納上清河七道水。又西南入保甯府廣元縣界為嘉陵江。黑水河出佛坪廳東北。東南流折東北合躉河八斗河。又東北入西安府盩厔縣界高川河出西鄉縣東。東流亦入石泉縣界。楮河二源出定遠廳東北。合諸小水南流折東左納星子河。又東偏溪河東西二源合東南流注之。又東北入興安府紫陽縣界。雙北河出定遠廳東南合黑水東南流與北河並入紫陽縣界。漁水二源出定遠廳東南。合西流經廳西南兩河口會。

清水河西南流入保甯府通江縣界。巴水出定遠廳西北巴山。西南流經涼橋合數水與西鄉縣之菩提河亦並入通江鄉縣界。白巖河出府治南入保甯府南江縣界。府東界興安府。西界

甘肅階州。北界鳳翔府。南及西南界四川保甯府。東南界四川綏定府。東北界西安府。西北界

甘肅秦州。

欽定大清會典圖卷二百七

輿地六十九

興安府圖

延安府圖


榆林府圖


興

安

府

圖





興安府在省治南六百八十里。至

京師三千二百十五里。領廳二縣六治。安康東南平

利西南。輒平廳紫陽西北漢陰廳石泉東北洵陽

白河漢水自漢中府西鄉縣東流入界。經石泉縣

西左納左溪河右納縉溪河。又曲折東流經縣

治西南受珍珠河。河出縣東北馬皇嶺西南流。

大灞河合大地嶺水。饒風河合太平河蒲溪水。

合南流注之。又南注漢水。漢水又東南經縣東

南左納紅河。又南經蓮花石池河自西安府甯

陝廳來合二小水西南流。又合沙河蔡家河折

西流注之。又南油坊坎水合中壩河東流注之。
又南右納張家河左納楊明溝水。又東南經漢
陰縣西南。窩水河自漢中府西鄉縣來東南流
注之。大張河西流注之。又經木梓河口。木梓河
自漢中府定遠廳來北流折東注之。左納一小
水。又東南經紫陽縣西北漢王城。又東南沙坪
河上承牛溪河。林木河水西流注之。又東南右
納鯉魚河左納沔峪河。又東南經縣治西南任
河口受任河。河自四川綏定府城口廳入界。經
縣西南木梅河口北流。麻柳塘水自漢中府定

遠廳來合紫溪河東流注之曲東北流右納青
石板河又東北朱溪河合北河東南流注之又
東北右納盤廂河左納漁溪河復右納遼溪河
又東北東權河合內權河西北流注之又東北
渚河自定遠廳來合小石河東流來會又東北
注漢水漢水折東經縣治南曲東南流經縣東
汝河上流為六道河自小界嶺合小南河南河
西河北流注之又東經洞河口洞河上流為大
北河出甄坪廳西南合小北河折西北流合八
道河北流注之又東北經府治西南甄坪廳西

北大道河出廳西南神田梁左合秀水右合神仙河經麻柳壩汎左納盤河為橫溪河又為大道河左合榨溪右合吳家河沙溝水西北流注之又東北右納小道河又東北經府治西南左納蒿坪河流水河易家河又折東南經嵐河口受嵐河河出平利縣南花池嶺下合讓水北流白沙河合泉河南流注之西北流右納白好河又經朝坪廳東南左右各納數小水又西北滔河出廳東南合西河浪河漳河北流來會又西北流經廳治西北左納四季河又西北經安康

縣西南右納大香河復西北流注漢水漢水曲
折東北流經府治西南吉河自平利縣北流注
之又東北受越河河出漢陰廳西分水嶺下合
沐浴河觀音寺河梨園河墩溪觀音河東南流
經廳治南右納板峪河又東南添水河上游為
青泥河出廳北合梨樹河中河銀洞河南流來
會又東南右納花石河曲折東南流經府治縣
西北恆口堡恆水河出治西北燕子嶺合西河
水東南流為黑水河又合自商州鎮安縣來之
紫溪河折南流右合大河小河來會又東南經

縣西傅家河出洵陽縣西北合柴家河南流注之。又東南注於漢水。漢水又東北經府治北。又東北受黃洋河。河出平利縣西南。上游為清水河。合左洛河。綫河。湖河。北流經安康縣東南。縣河合北河西流來會。又西北注於漢水。漢水又東北。神灘河合琉璃溝水東南流注之。又東北經洵陽縣西。閭河口受閭河。河一名澗水。一名閭谷水。出平利縣東七里山。西北流經洵陽縣東南。右合大小金河。左河大小神河。又西北經縣南受灞河。河一名界溪河。一曰沖河。出平


利縣東關壩合石牛河連仙河西北流。太平河
出縣南合香河沙家河秋河東北流來會。又北
流右納平定河注漢水。漢水又東北經洵陽縣
治東受洵河。河自商州鎮安縣東南流入界。經
縣西北仁河口。仁河亦自其縣南流來注之。又
東南經兩河關。乾祐河亦自其縣來合紅巖峽。
諸水西南流注之。又東南經乾溪鋪。乾溪河合
包家河東南流注之。又東南左納冷水河。又東
南注漢水。漢水曲東流。右納小棲溪。大棲溪水。
又東經蜀河口受蜀河。河即清水。自湖北鄖陽


府鄖西縣來東南流經縣東北夾溝山右納茨
溝水又東南右納白河又東南經龍家河口左
納龍家河又東南流注漢水漢水又東經仙河
口仙河水亦自鄖西縣來南流注之又東經白
河縣西北其北為鄖西縣界冷水河二源並自
縣西南合北流復合漫水河朱家河溝潭河裴
家河大滾子溝水北流注之又東經月兒潭右
納楊家溝水又東經馬虎溝馬家溝合三岔溝
水北流注之經縣治北又東至清風溝受白石
河河出竹山縣界嶺東北流右合大西溝水左

合田河水。又東北右合南岔溝水折而東流。右納小白石河。又東經縣南藩溝口。右納小藩溝水。又東厚子河會諸溝水北流注之。又東折北左右各納數小水。又北紅石河合諸溝水來會。又西折北注漢水。漢水又東入湖北鄖陽府鄖縣界。洪石河出平利縣南化龍山。合諸小水東流經千山東北受南江河。河上承大榆河出縣西南韓婆埢。合數小水東北流經鎮坪西南合乾州河。又西北澍河合太平溪諸水東流注之。又北左納竹溪河右納二小水。復左納浪河來。

會。又東南左納洋溪。又東南入鄖陽府竹谿縣界。長安河自西安府甯陝廳來。西流經石泉縣西北至兩河口。椒西河合。紋水自甯陝廳來會。又西南左合一小水。屈西南流入漢中府西鄉縣界。為子午河。府東北至東南界湖北鄖陽府。西及西北界漢中府。北界商州。南界四川夔州府。西北界西安府。西南界四川綏定府。

延
安
府
圖





延安府在省治東北七百四十里至

京師二千二百里領縣十治膚施東南延長宜川西

南甘泉東北延川安定西北安塞保安靖邊定邊

黃河自綏德州清澗縣緣界南流經延川縣東

馬家渡其東為山西汾州府石樓縣界又南經

延水關南土埋溝水東流注之其東為山西隰

州永和縣界至老龍口西受秀延水水出安定

縣西北山合諸山水東南流至唐家川黑牛川

合諸山水來會又東南麻兒河合橋兒坪水東北流來會經縣治北又東左右各納一小水至

瓦窯堡右納根水左納雨田山水又東經吳家鋪草班川三源東南流注之又東經丹頭城左納胡家溝水又東南錯入綏德州清澗縣界復南流經延川縣北清平川合郝家川白津川合流之水東北流注之又南站川合馬家南溝小水東北流注之經縣治東馬家巖水西南流注之又東南南河東流注之寵家河西流注之華子河合瓦村河東北流注之交口河二源出延長縣北獨峩山東北流注之又東注黃河黃河又南經宜川縣馬頭關其東為山西隰州大甯

縣界右納小清水河又南經禹王坪渡受延水
水即灌筋河出靖邊縣盧關嶺東南流經安塞
縣西北折而南經龍安鎮又南經縣治西杏子
河出靖邊縣南總管山東南流經保安縣北至
安塞縣西合北溝水東南流注之又東南經安
塞治南曲折東南流經府治西北西川水自保
安縣東流注之又經府治東北南河水合松樹
嶺杜甫川諸水北流注之又曲折東北流左納
豐林川水又東北清化水自安定縣南流經膚
施縣東北合牡丹川水來注之又東經延長縣

西左納烏陽川水經干谷驛南又東左納史家
河岳口川水屈東南流右納關子口水左納小
鋪原河經縣治南又東左納蘇家河水折東南
右納安溝水又東南經宜川縣東北注黃河黃
河又南過壺口其東為山西平陽府吉州界屈
西南流經柴家渡受麻洞川水水出甘泉縣左
家山東北流合馬家坪水又東北合趙家圪臺
水東南流經臨真鎮合庫兒川水又東南經宜
川縣雲巖山麓名雲巖河東流注黃河黃河又
南過孟門山至小船窠渡北受銀川水水出宜

川縣西經龍川鎮曲折東流丹陽川合南川東北流來會又東合仕望川又東注黃河黃河又南右納鹿兒川水又南經唐家灘右納白水川水又南經八郎山麓折而東猴兒川自同州府韓城縣來合其縣一小水東北流注之又東南流入同州府韓城縣界洛河二源出定邊縣東南白於山合東南流經鐵鞭城左納郎兒溝水右納掌兒溝水又東南左納吳倉波水折東北左納靖邊縣鳳凰寺河復東南白豹川自甘肅慶陽府安化縣東北流注之又經保安縣西左納靖

邊縣梁家河水右納吳堡川水。又東南周水自靖邊縣飲馬坡合紅柳溝西陽溝水。東南流經保安縣西來注之。又東南右納要子川瓦子川水。又東經安塞縣西南甘泉縣西北右納甘泉縣自修川水折南北河合阿伏斤水西流注之。又南右納美水左納清泉山水。又南左納漫灘河水右納紅土溝水。又南入鄜州界三山水一名耿家河。在定邊縣南。自甘肅甯夏府靈州界東南流合劉家畔水。又東南黃家泉水合姚家津水東北流來會。又西南流入甘肅慶陽府環縣界紅

柳河把都河並出靖邊縣西合北流入鄂爾多斯旗界。茹麥河出靖邊縣東茹麥城下合石頭溝水東北流經鎮羅堡。月牙河西北流來會。又東北出邊城折東入榆林府懷遠縣界為園寺灣河。大理河並出靖邊縣東北東流入懷遠縣界。懷甯河即走馬水出定安縣西北高柏山合樓岔河。鐵家茆河南後溝水東流入綏德州。清澗縣界東溝亦出縣東北東入清澗縣界。府東界山西隰州。西及西南界甘肅慶陽府。北及東北界綏德州。南界鄜州。東南界同州府。西北


界甘肅寧夏府


榆

林

府

圖





榆林府在省治東北一千三百五十里至

京師一千七百五十三里領州一縣四治榆林東南
葭州西南懷遠西北神木府谷。黃河自鄂爾多斯
左翼前旗緣界南流經府谷縣東北其東為山
西保德州河曲縣界。黃甫川自黃甫口南流注
之。清水川二源自清水口合南流注之。又西南
經縣南其東為山西保德州界。西受孤山川。川
自西北邊牆入孤山口西南流經縣西北合鎮
羌水。麻家溝郝家山合流水折東南經孤山堡
東南合木瓜川又東南注黃河。黃河又西南石

馬川出神木縣響石巖東南流注之。又南經神木縣東南紗帽頭。其東為山西太原府興縣界。右納窟野河。河上源曰烏蘭木倫。自鄂爾多斯左翼中旗東南流入界。經神木縣西芹河東南流注之。泗滄河西南流注之。又南大柏油河東流注之。又東南至小川岔東柏林河合小西河東流注之。燕子峪水西流注之。又東南注黃河。黃河又西南經葭川東北。又納西豆谷水彌勒川水。其東為山西汾州府臨縣界。又南受禿尾河。河即吐渾河。自邊牆流入。經神木縣西南左

納永利河。右納一小水。又經葭州北。左納永興川。右納四字川。開花川。又東南左納佛堂岔水。右納鹽溝水。又東南注黃河。黃河又南右納泥河水。又經州治東受葭蘆川。川一名沙河。自邊牆流入。經府治東北。東南流左納寺兒灣水。右納謝家溝水。又東南五女川合唐家溝水。東流注之。又東注黃河。黃河又南烏龍水出州西天。地窪東流注之。背干川經店頭鎮東流注之。又東南荷葉川自綏德州米脂縣來東流注之。又南螅蜊水自綏德州吳堡縣來合康家港水東。

流注之。又南入綏德州界。無定河上流曰額圖
渾河。一曰奢延河。又名滉忽都河。自鄂爾多斯
右翼前旗東流入界。經懷遠縣北東流右納子
坊溝水波羅堡水。左納硬地梁水。折東南右納
黑木頭河柿子河水。經府治南魚河堡。清水河
一名西河。即榆林河。自邊牆流入經府治西北。
合三岔河芹河。經治南合駝山水。馮家溝張家
溝小沙河董家灣白家溝水東南流注之。又東
合數小水。經鎮川堡東南流入米脂縣界。圖水
自延安府靖邊縣東流入界。經懷遠縣西南合

其縣之清平水東北流蘆溝水東南流注之狄
青河北流注之石窯川海子溝並東南流注之
又東折北苦水小河並西流注之又東北出邊
牆大理河自靖邊縣東北流入界經懷遠縣南
火石山東流錯入米脂縣界復經縣東南巡檢
司會小理河東南流復入米脂縣界府東界山
西太原府西界鄂爾多斯右翼前旗北界鄂爾
多斯左翼中旗前旗南界綏德州東南界山西
汾州府西南界延安府東北界山西保德州